

Nutaat iglut ilaujut tualut atajut hanajauhimajut ukunanga NCC Development Limited ukualu nait iglukhat iviqtirijaujut ukunanga Arctic Modular Housing Iglut ilaujut avgujiiktut malruk-unalu hitamanik igluaqaqtut iglut, ikajuutaujut aalakiinun iglutigit ihariagijaujut. Hapkua iglut aktilaangit akiit naamavjaktuq \$685 atauhiq kikaraktuq foot, angninirhakkut ikiklijuumirutijuq hamanga naamavjaktuq \$1,200 atauhiq kikaraktuq foot akia naunaijaqtajuq ukunanga NHCkunin qanganuaq kingulirni ukiuni.

“Hapkua nutaat iglut unihijut qajangnaitumik, ihuaqtut iglut ilagiinun Iqaluktuutiami,” uqaqtuq Minitaa Lyall. “Iglut ihuarutaujut ubluni inuuhirnun—aanniaqtailinirmun, iliharnirmun, qajangnairutinun, ukualu ilagiit inuuhiqattiarutaikhainun. Havaaghat imaatn ikajuutaujut ilagiinun, hakugikhijuumirnimun nunallaap inuuhinun, uvalu pidjutaujut qanuqtut nunallaat inuuniit munariqatigiigutait inungnun.”

Iqaluktuutiaq inugiakhivalliajuq aviktungniani katimadjutini ukualu nunagijaat ukuaCanadian High Arctic Research Station. Inuit igluit tungaviujut nunallaap iglutigit auladjutainun, kihimi ihariagijaujut aulahiaatumik avatqutut iglukhat. Amigaitut atuqtaujut iglut utuqanguqpaliajut, inugiakhivalaaqhutik ihumaaluutauhimaagtut, ukualuat mikijut iglumiujut.

Uvani 2022mi, Nunavut 3000 tuhaqtitajuq imaa hivitujumik-kikliqaqtuq akhuurut tunihinirmun 3,000nik nutaanik iglunik avatiini Nunavut tikitpat 2030. Hapkununga Iqaluktuutiamun, ukua Nunavunmi Igluliqijiijuatkut turaangadjutiqliqtut 50nik nutaanik inuit iglukhainik tikitinagut 2030, ilaujut hapkua 21 iglut.

Nunavunmi Igluliqijiijuatkut ilitarijait ikajuqtut havaaghanun havaqatiginirmun, nunamingni havaktit, ukualu nunallaami hivuliquhtut kitut akhuurutait ikajuutaujut initirutaanun havaaghap.

“Havaaghariaktuq huli hivuniptingni,” uqaqtuq Minista Lyall. “Kihimi atautit iniqtirutait havaaghat qanituurutigijavut Nunavunmi humi tamaita ilagiit piqariangini qajangnaitumik najugahainik tajakhait igluit.”

Iliturittiarumaguvin mikhaanun Nunavut 3000, takulugu Nunavunmi Igluliqijiijuatkut qaritaujaliquvia uvani <https://www.nunavuthousing.ca/ikt/igluliuqatigiingniq>.

###

Tuhaqtipkainikkut Uqaqvigijaqhaq:

Chantel Caza
Tuhaqtakhanun Atanngujaq
Nunavunmi Iglulijirjuakkut
867-975-7248
CCaza1@gov.nu.ca